



**Quæstionum Canonicarum, In Quinque Libros  
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

**Schlüter, Georg**

**Augustæ Vindelicorum, 1708**

§. 6. De Patrimonio.

---

[urn:nbn:de:hbz:466:1-73045](#)

## 64 Tract. in Lib. III. Decretal. Quæstio V.

vilegio non exigit residentiam personam. Limitat tamen Azor *cit. q. 4.* dummodo utrumque non habeat in eadem Ecclesia.

<sup>262</sup> Præter hæc *Not. 1.* Clericos *Portionarios*, olim, dictos esse *Congiarios*, à congiario, seu congio, quod erat munus Imperatoris, dari solitum populo ad victimum. Hinc etiam certa vicissim ratio in Ecclesiis dari solita Clericis, *congiarium* vocabatur, & accipientes *Congiarii*.

*Not. 2. portionem*, de qua in præsens agimus, aliam esse *integræ*, aliam *dimidiæ*. Portio integræ est dimidius proventus anni proventus, qui singulis Canonis obvenit, dimidia vero est quarta pars anni, proventus Canonico dari soliti, sic Azor *p. 2. Inst. moral. l. 3. c. 1. q. 5. fine.*

### §. 6.

#### De Patrimonio.

<sup>263</sup> **A** Gimushic de patrimonio, quia quandoque (nimurum ad effectum recipiendi Ordines justo titulo) supplere potest *titulum beneficii*. *Patrimonium*, in rigore latini sermonis (teste Pereyra in Elucidario n. 743.) dicitur, quod nobis à parentibus relictum est, vel à majoribus obvenit. Tullius *pro domo sua*, ibi: *Liberis autem nostris, satis amplum patrimonium paterni nominis, ac nostra memoria relinquemus*. Frequenter tamen pro quibusunque facultatibus, & bonis accipitur, & pro quounque lucro, ad quod potest quis honestis rationibus anhelare. *L. Jura S. I. ff. de munere & bono*. Unde in bonis esse, ac, esse in patrimonio, idem valet *L. I. ff. de Usu. earum rer.* In jure, patrimonium sacrum accipitur pro eo, quod est Ecclesia, vel Imperatoris *L. I. C. de indictione lib. 10. juxta Gloss.* Coeterum *Patrimonii appellatione*, strictè, venit res Patris, seu hereditas, quæ à Patre obvenit Filio. *L. cogi ff. ad Trebell. generaliter* vero continentur omnes res, & bona, quæ obvenerunt aliqui undecunque, sic Rebuffus ad *L. Rei appellatio*, pag. 45. ex quibus patet, bona patrimonialia, idem esse, ac *Patrimonium*.

<sup>264</sup> Sed *Not.* quando dicitur, *Patrimonium* sufficere pro titulo ad recipiendos Ordines, patrimonium accipi generaliter.

Nam habens tantum de bonis, unde vivat, & honestè sustentetur, licet habeat ex mera donatione, habet sufficientem titulum, ut ad sacros Ordines promoveri possit. *C. Tuis de præbend. c. Episcopus, ed.* ubi tamen adverte, in *Trid. Sess. 21. de Reformatio. c. 2.* dici, talem ordinari non posse *ad patrimonium*, nisi Episcopus judicaverit, eum esse assumendum pro necessitate, vel utilitate suarum Ecclesiarum, id, quod etiam declaravit *S. Congregatio Cardinalium* pro dubiis Trident. apud Azor *c. 4. q. 1.* quibus positis.

Quæstio est 1. an patrimonium, ratione cuius aliquis est ad sacros Ordines electus, sit beneficium Ecclesiasticum? *R.* negativè, quia non *vacat* obitu talis Clerici, sed transit ad hæredes; nec ab Episcopi auctoritate in beneficium transiit; & si quod habuit, retinet onus pendendi decimas. *Abb.* in *c. Tuis de præbend. in 6. Advertendum autem, patrimonium*, cuius titulo quis est in Sacris ordinatus, non posse alienari absque consensu Episcopi (idem est de aliis bonis, quorum causa quis ordinatus est) *dones* beneficium Ecclesiasticum habeat, & aliunde obtineat, unde commodè vivere possit; sic communiter DD. in *cit. Tuis*, & constat ex *Trid. Sess. 21. c. 2.* Si autem natus sit beneficium, tutâ conscientiâ potest patrimonium alienare, sic Azor *c. 4. q. 3.* si dicas: ergo etiam is, qui v. g. habet titulum mensæ ab aliquo, & ad illum ordinatus, obtinuit beneficium in titulum, licet potest sine consensu Episcopi, illi titulo mensæ renuntiare. *R.* posse, quia decreti Tridentini, alienationem prohibens, solùm loquitur: *dones beneficium Ecclesiasticum sufficiens obtineat*, vel aliunde habeat sufficientem sustentationem.

Quæstio est 2. an sit necessarium ex <sup>266</sup> primere, *haberi patrimonium sufficiens*, si quis Papæ supplicet pro conferendo beneficio? *R.* debere exprimi, si velit impetrare per rescriptum *justitia*, non, *gratia*. Sic Azor *cit. q. 4.* Rescriptum, seu *litera justitia* vocantur, quibus conceditur Clerico beneficium *intuitu indigentia*, & ideo dicuntur dari in forma communis: quando autem Pontifex dat *liberaliter*, & non intuitu paupertatis, seu indigentiae dicuntur *litera gratia*, & dantur in forma

ma

ma speciali; Abb. c. *postulati*, de descri-  
ptis.

*Quæstio* est 3. an Clericus habens sufficiens patrimonium ad vitam honestè sustentandam, possit nihilominus beneficium petere, & accipere lícitè? *Et posse*, quia nemo est fraudandus mercede suā. Beneficium autem est laboris & officii spiritualis merces, sic Innoc. Host. & Abb. in cit. c. *postulati*.

267 *Præter hanc not. 1. quando diximus ad titulum* pro sacris Ordinibus sufficere *patrimonium*, intelligi de illo, quod quis habet cum *jure in re*, non autem, *jure solum ad rem*, sic Azor *cit. q. 6.* Hinc electus ad beneficium sed nondum confirmatus, ad ejus titulum ordinari non potest. Nec obstat *L. qui actionem*, ff. de reg. juris, ubi dicitur: *qui actionem habet ad rem recuperandam, ipsam rem habere videtur*; quia lex illa loquitur de recuperatione, per rei *vindicationem*, seu actionem realem, quæ supponit *jus in re*.

268 *Not. 2. per patrimonium* hic non intelligi *bona mobilia*, nisi talia sint, quæ statim converti possint instabiles, & sufficiens redditus annuos. Hinc ordinatus in sacris, quia dixit se habere sufficiens patrimonium, cùm tamen non haberet, nisi mobilia, non excusat à poenis juris, nisi talia sint, quæ saltēm convertat in redditus annuos, ut dictum est, sic Azor *cit. q. 7.* quando autem movetur *quæstio, an patrimonium, ad quod ordinari desiderat, sit sufficiens*, nimur ad vitam ordinandi? id esse decidendum arbitrio Judicis, qui vel est Episcopus, vel *Judex apud quem jurati testes dant de sufficientia testimonium*, notarii fide subscriptum. Sed de hoc, vide novam constitutionem Innocentii XI. de qua latè actum est *lib. I. tit. II.*

*Not. 3.* Patrimonium esse sufficien-tem titulum ad Sacros Ordines, modò sufficiat ad ordinandi honestam sus-tentationem, licet adhuc non sit divisum à communī massa hæreditaria ipsi communi cum aliis fratribus, sit Azor *cit. q. 9.*

*Not. 4.* per statuta, quæ fiunt de *Beneficiatis*, non comprehendunt Clericos, habentes solum titulum patrimonii, vel quid simile, quod beneficium non est, intellige saltē *in odiosis*, ut eruditè ob-

servat Azor loc. cit. demum, ad multas anxietates cavendas, evitandas, Beneficiatos non esse cogendos ad sustinenda onera, quæ in fundatione, vel institu-tione, aut statutis non reperiuntur, vel *ad quæ ex antiquissima consuetudine non tenentur*, sic Barbosa in *Seff. 7. c. 5. Trid. de reform. n. 8.*

### §. 7.

#### De Commendis.

**Q**uid sit beneficium *in commendam* <sup>269</sup> alicui dari, vel conferri? diximus n. 274. ubi etiam præmisimus, *commendam*, aliam esse *perpetuam*, aliam, *temporalem*, & hanc non esse beneficium Ecclesiasticum ex n. cit. illamque fieri, in utilitatem *Commendatarii*, istam regulariter, in commodum Ecclesiæ *com-mendata*, quibus positis.

Quæres 1. quo juro, ac potestate gaudeat *Commendatarius perpetuus*? *Et quod* iuribus gaudeat *iisdem*, quibus gauderet proprius *Beneficiatus*, sic Garcia p. 4. de *beneficiis* c. 4. n. 48. Unde fructus beneficij *commendati*, seu, (ut notat Rebuff. *cit. de Commendis n. 1.*) *in custodiam dati*, facit suos, & liberè de illis disponere potest libertate, quam jū-re habent alii *beneficiati*. Garcia *cit. n. 20.* Similiter sicut, quilibet alijs *Beneficiatus* sic *Commendatarius*, potest locare fructus, & possessiones Ecclesiæ *com-mendata*, ut not. Rebuff. *cit. n. 40.* ex modis acquirendi beneficium, etiam unum esse, cùm Ecclesia *commendatur alicui*, ut eam non *tituli*, sed *commendatio-nis* jure administret, ut notat Azor p. 2. l. 6. c. 31.

Quæres 2. An Ecclesia Parochialis <sup>270</sup> ab Episcopo commendari possit? *Et posse*, id exigente necessitate, vel evidenti utilitate Ecclesiæ, sed tantum ad 6. Menses, per c. *Nemo 15. de Elect. in 6.* ubi Gregorius X. *nemo*, inquit, *deinceps parœcialem Ecclesiam, alicui, non constituto in atra-te legitima, & Sacerdotio, commendare presumat: nec tali etiam, nisi unam: & evidenti necessitate, vel utilitate ipsius Ec-clesie suadente*. Hujusmodi autem commendam (ut præmittitur) rite factam, declaramus, *ultra semestris temporis spa-tium non durare*. Statuentes, *quicquid*